


JABUETSUATIQUE DIUSU SA MIMI

ANTIGUO TESTAMENTO

Génesis



**JABUETSUATIQUE
DIUSU SA MIMI
ANTIGUO TESTAMENTO**

Génesis

TACANA

LIGA BIBLICA MUNDIAL



LAS SAGRADAS ESCRITURAS PARA TODOS

en colaboración con
El Instituto Lingüístico
de Verano
Cochabamba, Bolivia

Junio 1983
215

Impreso por CALA - La Paz , Bolivia



DIUSU SA MIMI DEREJIFI

Diusu ja mesa quisa cuana tiataidha cristiano cuana. Tuahueda dharejiji deja cuana mesa quisa cuana deremetaidha. Tueda quisa derejiji cuana jiahue yani Biblia banime quirica su. Tata Diusu ja ecuana tiataidha mesa quisa saida cuana ecuaneda cuaja tueda epuani eshanapa puji. Daja huecha ecuana equisatani cuaja ecuaneda d'ejí su pu cua. Mesa quisa saida cuana da beta quirica aida detse su derejiji yani:

Antiguo Testamento sa	39	quirica cuana yani.
Nuevo Testamento sa	<u>27</u>	quirica cuana yani.
Biblia sa	66	quirica cuana quitana yani.

Antiguo Testamento su cuaja biahua tiempo Diusu ja ataidha pamapa ai cuana ecuana equisatani. Daja huecha deja sa equene jucha, castigo jepuiti equisatani. Diusu sa dharejiji cristiano cuana jepuiti equisatani. Tuneda da israelita cuana banime. Daja huecha ai cuaja epu cuana equisatani. Daja huecha satsu, bahue eni quisa cuana yani cuaja ecuana sa saida ani papu puji.

Jiahue ecuaneda ebuetsuati Antiguo Testamento jepuiti equene quirica su. Mimiameque Castellano tabla su derejiji yani eshanapa puji quebata quirica cuana derejiji yani Antiguo Testamento su. (página f y g)

Jeutsuque ye jaquisabati cuana. Dereque upia.

1. ¿Jucuaja su Tata Diusu ja mesa quisa saida cuana tiataidha?

2. ¿Cuaja banime Diusu sa quirica aida detse Biblia su?

3. ¿Ai jepuiti ecuana equisatani Antiguo Testamento su?

Ye versículo jabuetsuatique:

2 Timoteo 3.16,17. (página b)

MOISES SA QUIRICA CUANA

Mimiameque Castellano tabla su derejiji yani. (página f)
 Equene pishica quirica derejiji yani Antiguo Testamento su Moisés
 chenu ja deretaidha. Tueda pishica quirica su Moisés chenu
 israelita cuana sa ehuidusuji aida puidha quisa equani. Uja tueda
 pishica quirica cuana ja ecuana equisatani:

- 1) Cuaja mundo pupirume puidha ecuana equisatani.
- 2) Cuaja pupirume puidha deja, daja huecha mesa equene jucha,
castigo jepuiti equisatani.
- 3) Israelita cuana jepuiti, daja huecha cuaja mecuana sa
cuinana puidha pia yahua su eputi puji equisatani.
- 4) Cuaja Diosu ja mesa jacuatsasiati cuana Moisés chenu tiame
ataidha mesa dharejiji cuana sa puji equisatani.

Jeutsuque:

1. ¿Aidhe da Moisés chenu puidha? _____

2. ¿Quebata pishica quirica cuana deretaidha Moisés chenu ja?

3. ¿Ai jepuiti tueda quirica cuana ja ecuana equisatani?

Jabuetsuatique Moisés chenu sa pishica quirica derejiji cuana.



Mimiamеque Tata Diusu ja mundo ataidha (Génesis 1)
página 1-3

Equene quirica banime Yapiruji. Cuaja ye mundo Diusu ja apirutaidha ecuana equisatani. Daja huecha equisatani cuaja apirutaidha cristiano cuana. Daja huecha cuaja jucha pupiruidha equisatani. Daja huecha cuaja anipirutaidha israelita cuana equisatani.

Equene apuda cama puidha. Da su beju Diusu ja cuatsasiataidha hueda bataji papu puji. Daja huecha ichaderataidha yahua buepa jenetia. Da su ichaderataidha ena buepa, yahua su. Piapiati id'ene cuana yahua su muruametaidha. Atujai, badi, id'eti ichataidha tuna sa eti jude su yahua jurabaji paputa puji. Daja huecha animalo cuana ichataidha. Ena su aniji, ai cuabetsaji cuana ichataidha. Daja huecha ichataidha murida su aniji animalo cuana.

1. Chacunque quirica su ai tsine su Diusu ja ataidha tueda ai cuana. Da su dereque.

1) ¿Quebata tsine su ichaderataidha yahua buepa jenetia?

2) ¿Quebata tsine su ichaderataidha judu buepa su yani ai cuana? _____
 ¿Quebata tsine su yahua su ena cuana ataidha?

3) ¿Quebata tsine su muruametaidha piapiati id'ene cuana?

4) ¿Quebata tsine su atujai, badi, id'eti ataidha?

5) ¿Quebata tsine su ena su aniji, daja huecha ai cuabetsaji cuana ataidha? _____

6) ¿Quebata tsine su ataidha murida su aniji animalo cuana? _____

2. ¿Ai jenetia ataidha pamapa tueda ai cuana?

3. ¿A da Diusu beidaji puidha mesa jaati ai cuana jepuiti?

Jabuetsuatique versículo Romanos 5.12.

Beju Adán chenu jepuiti jucha pupiruidha ye mundo su. Tueda jucha jepuiti pamapa cristiano cuana sa manu taji, juchaji huecuana putsu.

Daja epuani Romanos 5.12.



Mimiameque Tata Diusu ja ataidha cristiano cuana
 (Génesis 1,2) página 3-5

Sucuta tsine su Tata Diusu ja deja med'i jenetia a putsu, id'emetaidha. Deja sa ebani ichataidha Adán. Tata Diusu ja ataidha deja tuahueda pamapa ai cuana pabata puji. Daja huecha ataidha epuna deja sa ebutse puji. Mesa ebani ichataidha Eva. Adán ja ebia su tsada bataidha mesa ehuane, Eva. Tata Diusu ja quisataidha tse yanana jucuadaji epu. Pamapa ai ejaja cuana metse sa dia taji puidha. Daja biame, piada equi sa ejaja dia taji mahue metse sa Diusu ja cuatsasiataidha. Da su siete tsine su Tata Diusu janahuidha.

1. ¿Ai banime puidha equene deja? _____
 2. ¿Ai banime puidha equene epuna? _____
 3. ¿Quejucua tsine mudumuidha Tata Diusu pamapa tueda ai cuana ya puji? _____
 4. ¿Ai puji ataidha epuna Diusu ja? _____
 5. ¿Quebata tsine su janahuidha Diusu? _____
- Jabuetsuatique saida versículo Romanos 5.12.



Mimiameque Equene deja ja jucha ataidha (Génesis 3)
Tata Diusu ja jusiacuinataidha tse (Génesis 3)
 páginas 5-10

Tata Diusu ja yahua saida ataidha Adán, Eva sa puji. Equene su aimue jud'uji mahue puidha tse. Tata Diusu ja quisataidha tse uja:

—Pamapa ai ejaja cuana metse sa ediaji puji. Piada equi sa ejaja bahui be mediaji. Ahua metse edia su, metseda eshanapa saida ahua mahue. Da su metse sa manu taji epu.

Da su beju Ishahua ja baseataidha tse tuatse juchaji yame puji. Tueda bacua puji japiati putsu, Eva jei ametaidha Diusu jei paata mahue puji. Da su Eva ja dia taji mahue ejaja diataidha. Tuahueda mesa yahue di jei ame putsu, diametaidha. Daja puidha jenetia, Diusu ja castigataidha Adán, Eva, daja huecha bacua Ishahua. Tuahueda jusiacuinataidha Adán, Eva Edén banime eti jude jenetia. Da tiempo jenetia deja cuana sa puniuneti ataidha ebia su tadada, daja huecha ebia su jatacuamadhatiji.

1. ¿Ai bid'umimi bacua ja ataidha Eva? _____
2. ¿Jucuaja su Adán, Eva detse ejud'uji eina jenetia jaatiana? _____
3. ¿Quebata castigo bacua Ishahua sa puji puidha? _____
4. ¿Quebata castigo Adán, Eva detse sa puji puidha? _____
5. ¿Ai jenetia ataidha ejud'uji Diusu ja Adán, Eva detse sa puji? _____

Jabuetsuatique saida versículo Romanos 5.12.



Mimiameque Caïn, Abel (Génesis 4) páginas 10-14
Enoc (Génesis 5) páginas 14-15

Adán, Eva sa equene ebacua detse beta puidha. Equene ebacua Caïn banime puidha. Beta puji ebacua Abel banime puidha. Caïn da ai cuana banaji puidha. Abel mu animalo baji puidha. Tuatseda irutsuataina Diusu peje su. Caïn ja mesa mudu ai ejaja Diusu peje su irutsuataina. Abel ja mu animalo manuametaina Diusu peje su eirutsua puji. Tata Diusu ja inatsutaidha Abel sa jairutsuati cuana, animalo sa ami d'uichataina putsu. Aimue Caïn sa ai jairutsuati cuana inatsutaidha mahue. Da jepuiti Caïn duininidha mesa d'au neje. Duinini putsu, manuametaidha. Tueda da jamanuametiji equene puidha.

1. ¿Quebata jairutsuati Diusu sa tsada puidha? _____
2. ¿Jucuaja su duininidha Caïn mesa d'au neje? _____
3. ¿Jucuaja su Caïn sa ai jairutsuati cuana aimue inatsuja ataidha mahue Diusu ja? _____
4. ¿Quebata Caïn sa castigo puidha? _____
5. Mimiameque Enoc. ¿Quebata deja manujiji mahue Tata Diusu ja cielo su dusutaidha? _____

Jabuetsuatique Romanos 3.23,24. Uja epuani:

Pamapa cristiano cuana da Diusu butse su tupupai juchaji eputani. Tu butse su tsabaji mahue eputani huecuana. Daja biame, Diusu ja cha nimebutsepi ame hue yatani huecuana, Jesucristo jepuiti d'ejí su yatani huecuana putsu.




Mimiameque Noé ja ataidha barco aida (Génesis 6)
Ena ja paupetaidha yahua (Génesis 7)
Diusu ja Noé mesa jamitsuti tiataidha
 (Génesis 8,9) páginas 15-20

Equene cristiano cuana ebia su jucha a bahue putaina. Daja huecha tuna sa ebacua cuana. Da su ye mundo su cristiano cuana jajucuatitaidha su, mecuana sa jucha cuana di jajucuatidha. Diusu ja tsada mahue bataidha mecuana sa jucha cuana. Da su cuaja matseme ya puji pibataidha. Da tiempo su piada deja ja bahui Diusu mebajataidha. Tueda Noé banime puidha. Tueda bahui Tata Diusu ja d'ejí su ataidha, mesa familia cuana neje tupupai. Da su beju taitanamepetaidha pamapa pia cristiano cuana.

Jiahue mimiameque quirica su cuaja Tata Diusu ja Noé d'ejí su ame ataidha.

1. ¿Cuaja Tata Diusu ja Noé d'ejí su ame ataidha? _____
2. ¿Cuaja Diusu ja pia cristiano cuana matseme ataidha? _____
3. ¿Cuaja Diusu ja animalo cuana d'ejí su ame ataidha? _____
4. ¿Quejucua tsine nai puidha? _____
5. ¿Ai jamitsuti Tata Diusu ja Noé tiataidha? _____

Jabuetsuatique saida Romanos 3.23,24.




Mimiameque Tata Diusu ja cristiano cuana sa piada yana tsapiapiati yana cuana su turucataidha Babel su (Génesis 11) páginas 20-21

Ecuaneseda cuaja shanapape taji mahue cuaja Tata Diusu aida epuani. Biahua tiempo anidha piada ejude chidi. Tueda ejude su aniji cuana quepia Diusu yani tejetija adhaataidha. Ebia su aida jabatitaidha huecuana biame, Diusu mu tuna ebia su aida jabametidha. Daja huecha jiahue Diusu ja ecuana ebuetsuatani tueda da ebia su aida.

Mimiameque Satsu 90, versículo 2,6 teje. (página 307 quirica su).

1. ¿Ai aja adhaataidha Babel ejude su aniji cristiano cuana ja? _____
2. ¿A da Diusu sa tsada puidha torre paata huecuana puji? _____
3. ¿Ahua beidaji puidha Tata Diusu tueda cristiano cuana neje? _____
4. ¿Cuaja jia shanapametaidha huecuana Tata Diusu ja mesa tucheda? _____
5. ¿Quepia putitaidha cristiano cuana, tsapiapiati yana su mimipirutaidha su? _____

Jabuetsuatique saida quita Romanos 3.23,24.



Mimiameque Tata Diusu ja Abraham ihuataidha (Génesis 12)
Lot madhada hue puniunetidha (Génesis 13)
 páginas 22-25

Ye mundo su aniji cristiano cuana bia su hue jajucuatidha. Piada piada deja cuana ja Diusu mebajataidha. Pia cuana ja mu mue mebaja ataidha. Diusu ja mitsutaidha piada mesa emebajaji deja. Tueda deja Abraham banime puidha. Diusu ja ataidha Abraham uja:
 --Jadusutique pia yahua eichacua su mique familia, pamapa mique ai cuana neje.

Da su beju Abraham ja Tata Diusu jei ataidha, tueda mue jashanapati quepia epuhu biame. Tueda yahua eichacua Canaan banime puidha. Canaan yahua su Abraham sa edue sa ebacua, Lot banime, madhada hue pibapibaidha. Tusa animalo quinaji cuana da Abraham sa animalo quinaji cuana neje jaichetidha yahui, nutsa jeputi. Da putsu, Abraham ja quisataidha Lot padhareti puji quepia yahua mesa tsada. Da su Lot yahua ebia su saida jadharetidha. Abraham anitidha Lot jadharetidha mahue yahua su.

1. ¿Ai banime puidha Abraham sa ehuañe? Jachacutique quirica su. _____
2. ¿Ai banime puidha Abraham sa edue sa ebacua? _____
3. ¿Quepia Diusu ja Abraham paputi quisataidha? _____
4. ¿Quebata yahua Lot ja metsenetaidha? _____
5. ¿Ai jamitsuti tiataidha Diusu ja Abraham? _____

Jabuetsuatique ye versículo detse Hebreos 6.15,16.

Da su Abraham chenu ja paciencia neje Diusu id'uataidha. Daja id'ua putsu, inatsutaidha Diusu ja tueda jamitsuti tiataidha ai cuana. Cristiano cuana da Diusu bahue eputani pia ebani aida su mecuana sa jamitsuti chujeji papu puji. Da neje pamapa jaacuicuinati cuana eputeni.



Mimiameque Abraham ja iyuda duje chudutaidha Lot (Génesis 14)
Melquisédec ja Abraham tsutitaidha (Génesis 14)
 pāginas 26-28

Beju Lot putidha Sodoma ejude naja su yani puji. Sodoma ejude su aniji cristiano cuana ebia su madhada hue putaina. Piada nuati puetaidha pia cristiano cuana Sodoma cristiano cuana neje eicheti puji. Lot dusutaidha huecuana risijiji. Da su Abraham ja mesa deja cuana neje tije ataidha huecuana Lot d'ejí su ya puji. Da tiempo su Melquisédec Diusu sa sacerdote puidha. Tuahueda tsutitaidha Abraham, Lot neje epubeyu su. Tsu putsu, Melquisédec ja ibunebataidha Abraham.

1. ¿Cuaja Sodoma ejude su aniji cristiano cuana putaina?

2. ¿Aidhe cuana ja dusutaidha Lot?

3. ¿Ai banime puidha Sodoma ejude naja su aniji ejude?

4. ¿Ai banime puidha Diusu sa sacerdote?

5. ¿Ai tiataidha Abraham ja Melquisédec?

Jabuetsuatique saida Hebreos 6.15,16.



Mimiameque Cuinaidha Ismael (Génesis 15,16)
Ehuitsanasiquiji bameji (Génesis 17)
Quimisha deja cuana ja peretaidha Abraham
 (Génesis 18) páginas 28-34

Abraham edhi biame, bacua mahue puidha. Diusu ja quejucua nuati biame quisataidha Abraham ebacuai epu. Abraham, Sara detse quejucua mara biame janimeid'uatidha piada ebacua ebacuinati puji. Chamacama Sara ja mesa emebajaji epuna, banime Agar, Abraham menajatiataidha bacuai papu tse puji. Agar sa ebacua banime puidha Ismael. Da su Diusu ja quisametaidha pamapa deja cuana ocho tsine cuinajiji jenetia huitsanasiquijiji paputa. Daja hue Diusu ja quisainiame ataidha Abraham, Sara detse jucuada ebacuai epu. Piada tsine puetaidha quimisha deja Abraham eba puji. Abraham piada ebacuai epu quisa putaidha huecuana. Sara daja id'aba putsu, jaid'ebatidha, punatia beju putsu. Da su deja cuana ja Abraham quisataidha Sodoma ejude etaitanameta, tueda ejude su aniji cuana ebia su madhada hue putsu.

1. ¿Quejucua ebacua etia jamitsuti Diusu ja tiataidha Abraham? _____
2. ¿Ai banime puidha Agar sa ebacua? _____
3. ¿Ai jia cuatsasiataidha Diusu ja deja cuana ocho tsine cuinajiji jenetia paata huecuana puji? _____
4. ¿Jucuaja su Sara ebacuai epu jei puja mahue puidha? _____
5. ¿A da anitaidha jucuada cristiano saida cuana Sodoma ejude su? _____

Jabuetsuatique ye versículo detse Romanos 4.20,21.

Beju edhi quitaita biame, Abraham chenu daja hue ebia su Diusu peje su janimetuheaderatidha. Diusu diusulupai a putsu, mitsutsuataidha. Daja Diusu ja tueda ebacua tiata cua Abraham chenu jei puidha.



Mimiamaque Tata Diusu ja tiuempetaidha Sodoma, Gomorra ejude detse (Génesis 19) páginas 34-36

Tata Diusu puidha uja:

--Ahua piada tunca cristiano cuana butsepi yanita su, aimue yama Sodoma ejude etaitaname mahue.

Lot bahui, mesa familia cuana neje butsepi anidha Diusu butse su. Diusu sa ecuatsasiaji detse putidha Lot equisati puji. Sodoma ejude su aniji madhada hue cuana ja ecuatsasiaji detse neje jucha aja adhaataidha huecuana. Da putsu, tuatseda padha ametaidha huecuana. Lot quisataidha tse mesa familia cuana neje tipeida pajududu puji. Uja quisataidha tse:

--Ejududusa je, be mebabarereatiji.

Da su beju Tata Diusu ja taitanametaidha Sodoma, Gomorra ejude detse cielo jenetia cuati neje. Lot sa ehuané japiatidha banu puji, tueda jababarereatidha putsu.

1. ¿A da anidha piada tunca cristiano cuana butsepi Sodoma ejude su? _____
 2. ¿Cuaja ataidha Diusu sa ecuatsasiaji detse ja cristiano madhada hue cuana? _____
 3. ¿Quejucua cristiano cuana d'ejí su ataidha Tata Diusu ja? _____
 4. ¿Aí neje taitanametaidha Diusu ja tueda ejude? _____
 5. ¿Cuaja puidha Lot sa ehuané? _____
- Jabuetsuatique saida Romanos 4.20,21.



Mimiameque Cuinaidha Isaac (Génesis 21)

Ismael cuinanaenidha Abraham sa ete jenetia
(Génesis 21) páginas 36-39

Chamacama bataji puidha Sara sa ebacua quitaita. Tueda banime puidha Isaac. Sara ja duininibataidha Agar, daja huecha mesa ebacua Ismael. Sara sa tsada puidha Abraham ja pajusiacuinata tse ete jenetia. Ebia su jatacuamadhatidha biame, Abraham ja Agar, Ismael detse ete jenetia cuinanameenitaidha. Da su d'anita yahua su putidha tse. Dapia jaid'itija manucueidha tse. Diusu ja id'abataidha putsu, yahui bametaidha tse. Daja Ismael sehuame puidha d'anita yahua su.

1. ¿Ai banime puidha Sara, Abraham detse sa ebacua? _____
 2. ¿Quejucua maraji puina Sara, Abraham detse Isaac bataji puidha su? _____
 3. ¿Quetsunu Abraham ja tsine ataidha Isaac sa puji? _____
 4. ¿Jucuaja su Abraham jatacuamatidha? _____
 5. Da su, ¿quepia sehuaidha Ismael? _____
- Jabuetsuatique saida quita Romanos 4.20,21.



Mimiameque Abraham ja Tata Diusu jei ataidha
(Génesis 22) páginas 39-41

Abraham ebia su janimetuheatidha Diusu peje su. Da su Diusu ja Abraham jubida abataidha. Uja ataidha Diusu ja:

--Dusuque mique ebacua quitaita Isaac Moriah emata su ema peje su eirutsua puji.

Da su Abraham ja ataidha cuaja Diusu ja quisataidha batame. Abraham ja mesa ebacua emaname quitaita beju su, Diusu ja Abraham huisha bametaidha pairutsuata puji Isaac sa eturuca. Diusu ja uja ataidha:

--Be manumeji mique ebacua. Beju yama ebainia mida ema peje su jubida enimetuheatiani.

Neicha Diusu ja Abraham quisataidha tueda dueji ebacuaji epu.

Cuaja Abraham ja mesa piada quita ebacua irutsuaja adhaataidha nime, daja Diusu ja mesa piada quita Ebacua Jesucristo curusu su irutsuataidha ecuana sa jucha cuana jepuiti.

1. ¿Cuaja Diusu ja Abraham ja mesa ebacua paata cuatsasiataidha?_____
2. ¿Quepia dusutaidha mesa ebacua Diusu peje su eirutsua puji?_____
3. ¿Ai quimisha ai cuana dusutaidha Abraham ja d'anita yahua su?_____
4. ¿A da atasaida puidha Isaac?_____
5. ¿Ai irutsuataidha Abraham ja Diusu peje su mesa ebacua sa eturuca?_____

Mimiameque Hebreos 11.17-19 y Santiago 2.21-23.

Jabuetsuatique versículo Romanos 4.3 Uja epuani:

Uja derejiji yani Abraham chenu jepuiti: "Diusu ja Abraham chenu nimebutsepi ataidha, tueda Diusu peje su janimetuheatidha putsu."

Mimiameque Chacuametaidha Abraham ja Isaac sa ehuane puji
(Génesis 24) páginas 42-45

Abraham sa tsada puidha Isaac pahuaneti puji mesa edue puji cuana sa edue epunanana neje. Da su beitutaidha piada emebajaji mesa edue puji cuana peje su pachacutita Isaac sa ehuane puji. Dapia cuinati putsu, emebajaji ja dharetaidha piada epuneje. Tueda epuneje ja emebajaji tiataidha yahui paid'iti puji. Daja huecha camello cuana sa puji di yahui tiataidha. Da putsu, cha tia hue ataidha emebajaji ja dueji oro jenetia shapuru, ine, metara cuana. Tueda epuneje Rebeca banime puina. Tusa tata detse jadé puidha padusuta hue Isaac sa ehuane puji. Pia huenati cuinaibana tse. Ete su cuinaibana tse su, Isaac ja epuneje batsutaidha. Ba putsu, ibuneda bataidha.

1. ¿Aiya beitutaidha Abraham ja pachacutita Isaac sa ehuane puji? _____
 2. ¿Quepia da putidha emebajaji? _____
 3. ¿Que jenetia epuneje ja jemitsuataidha yahui? _____
 4. ¿Quebata ai cuana emebajaji ja tiataidha Rebeca? _____
-
5. ¿A da Isaac ja ibuneda bataidha Rebeca? _____
Jabuetsuatique saida versículo Romanos 4.3.



Mimiameque Isaac sa ebacua detse, Jacob, Esaú (Génesis 25)
Baseataidha Jacob ja mesa edue beta nuati
 (Génesis 25,27) páginas 45-51

Pere bataji puidha Rebeca sa ebacua chidi detse. Equene Esaú bataji puidha. Tu tije Jacob. Esaú equene bataji puidha putsu, tuseda puji cama mesa tata sa ai cuana puidha, tuatse sa tata emanu su. Esaú sehuidha su, asease bahue puidha. Jacob mu anitidha mesa ecuaretse neje ete su. Piada tsine Esaú edhemanuasease je, cuinayu puidha. Jana bajataidha mesa d'au. Da su Jacob ja cuaja Esaú ebasea puji pibataidha. Mesa edue Esaú tuatse sa tata sa ai cuana bajataidha jana chuje. Beju Esaú ebia su edhemanuani putsu, jadé ataidha. Da neje Jacob tuatse sa tata sa ai cuana jametsenetidha Esaú eturuca.

Da su Jacob cabra janana biti jaichatiana, mesa tata Isaac ja d'apaba putsu, Esaú pepe papu puji, Esaú bai inuaji puina putsu. Isaac padha pad'i puina putsu, ibunebataidha Jacob mesa edue eturuca. Da putsu, Esaú mesa d'au Jacob neje ebia su duininidha.

1. ¿Quebata tuatseda inuaji saida puidha? _____
2. ¿Quebata tuatseda aicha ete su dusetaina? _____
3. ¿Quebata tuatseda tuatse sa cuara sa ibuneda quita puidha?

4. ¿Jucuaja su Esaú sa mesa tata sa ai cuana inatsu taji puina?

5. ¿Jucuaja Jacob ja mesa edue Esaú baseame ataidha?

Jabuetsuatique saida quita Romanos 4.3.



Mimiameque Jacob jududuidha mesa ete jenetia
 (Génesis 27,28)
Jacob sa tahui (Génesis 28)
Jacob jamudumuidha mesa juju sa puji
 (Génesis 29-35)
Diusu ja pia ebani ichataidha Jacob sa
 (Génesis 32,33) páginas 51-57

Jacob jududuidha, mesa edue Esaú ja manuameja ataidha putsu. Mesa cuara ja Jacob pachacutiti ehuané puji tusa edue puji cuana duju su. Beju tahui su Jacob ja bataidha dueji ángel cuana tsuanuati, butenuati eputani dad'a su. Da su Diusu ja mitsutaidha Jacob. Mesa juju sa ete su cuinati putsu, dapia mudumuidha. Mesa juju sa ebaquepuna tije puji neje Raquel banime jahuanetija pudhaadha.

Raquel tia taji biame, tusa juju ja mesa equene puji ebaquepuna Lea banime tiataidha. Juju ja Jacob mudumuduametaidha piada tunca pushi ejaitiana mara. Daja a putsu, chamacama tiataidha Raquel. Beju dajucua mara jenetia Jacob jasiapatidha mesa ejude su mesa beta ehuané, familia cuana neje. Da su Esaú cuinanaidha etsunetia puji, tueda beju duininijiji mahue puina putsu. Da jenetia Diusu ja Jacob sa ebani turucataidha. Israel banime ichataidha.

1. ¿Aiya Jacob quisataidha pajududu puji? _____
2. ¿Aiya Jacob tahui su mitsutaidha? _____
3. ¿Cuaja banime puidha Jacob sa juju sa ebaquepuna detse?

4. ¿Quebata tuatseda Jacob ja ebia su tsada bataidha? _____
5. ¿Quebata neje jahuanetidha Jacob? _____

Jabuetsuatique versículo Hebreos 11.6. Uja epuani:

Ahua etse Diusu peje su aimue enimetuheatiani mahue su, aimue detse etse Diusu beidaji ame cua mahue. Ahua etse Diusu nariaja su, equene jei pu taji Diusu eid'e yani. Daja huecha jei pu taji Diusu ja tu echacutani cristiano cuana mesa ai saida cuana etiatayu.



Mimiameque José sa tahui cuana hue (Génesis 37)

Mesa edue cuana ja José irutaidha (Génesis 37)
páginas 57-60

Israel da piada tunca beta ejaitiana bacuame puidha. Tusa ebacua cuana uja banime putaidha:

Rubén	Simeón	Leví
Judá	Isacar	Zabulón
Dan	Neftalí	Gad
Aser	José	Benjamín

Beta ebacua tije puji da Raquel sa ebia su nahueda puidha. Israel ja pia ebacua cuana ebia su José tsada bataidha. Ebia jud'uji ania chidi tiataidha José. José da tahui pu aida puidha. Tahui su cuaja mesa edue cuana ja tu mebajame yata bataidha. Edue cuana ja ba putsu, duininibataidha José. Manuameja ataidha huecuana. Equene puji edue Rubén ja manuameja mahue ataidha. Da su José bajabajaji cuana peje su irutaidha huecuana. Tueda bajabajaji cuana ja José Egipto yahua su dusutaidha. Da cama, José sa ebia jud'uji cabra sa ami neje ataidha huecuana. Da su ebia jud'uji Tata Israel peje su dusutaidha huecuana ebame puji, animalo ja José manuametaidha pepe papu puji.

1. ¿Quejucua ebacuaji puidha Tata Israel? _____
2. ¿Quebata ebacua mesa ebia su nahueda puidha? _____
3. ¿Jucuaja su José mesa edue cuana ja duininibataidha? _____
4. ¿Cuaja ataidha huecuana José? _____
5. ¿Jucuaja su Tata Israel ebia su pibapibaidha? _____

Jabuetsuatique Tata Israel sa 12 ebacua cuana sa ebani.



Mimiamaque Potifar sa ehuae ja tuaquisataidha José (Génesis 39)
José terinetiajiji (Génesis 40,41)
José Echua Puji Faraón sa huaraji aida anidha
(Génesis 41) páginas 60-65

Bajabajaji cuana ja José irutaidha Potifar peje su. Tueda da deja aida Egipto yahua su puina. José saida mudumuidha putsu, Potifar ja pamapa mesa ai cuana menajatiadtaidha José pabata puji. Piada tsine Potifar sa ehuae José neje satija puidha. José sa tsada mahue puidha. Da putsu, ebia su duininidha epuna. Mesa yahue bid'umimi ataidha uja:

--José ema neje satija puitia.

Da su Potifar José neje ebia su duininidha. Teriichametaidha José. Dapia terijiji yani tupu, José ja pia terijiji yanita cuana mecuana sa tahui cuana cuaja epuani shanapametaidha. Beta mara jenetia echua puji sa tahui di shanapametaidha. Uja echua puji ataidha:

--Siete mara puji saida cristiano cuana sa banabana cuana epu. Pia siete mara puji mid'e epu.

1. ¿Aiya José bajataidha Egipto yahua su? _____
2. ¿Ai mudu tiataidha José? _____
3. ¿A da saida Potifar sa ehuae puina? _____
4. ¿Ai banime puina Egipto yahua sa echua puji? _____
5. ¿Cuaja puina echua puji sa tahui? _____

Jabuetsuatique saida Tata Israel sa 12 ebacua cuana sa ebani.



Mimiameque José sa edue cuana puetaidha Egipto yahua su
(Génesis 42)
José ja abataidha mesa edue cuana (Gén. 43,44)
José ja beju mesa edue cuana quisataidha aidhe
jia tueda (Génesis 45)
Israel, mesa ebacua cuana neje, aniderataidha
Egipto yahua su (Génesis 46-50) páginas 66-72

Echua Puji Faraón ja José cuatsasiataidha d'ije, arusu, trigo cuana paichasetatita puji, mid'e epu putsu. Da su José ja siete mara ejaja saida puidha cuana ichasetametaidha cristiano cuana. Pia siete mara mid'e puidha pamapa yahua je. Da putsu, José sa edue cuana Egipto yahua su putitaidha jana echacuti puji. Tata Israel sa Benjamín paputi tsada mahue puidha. José sa edue cuana tu peje su cuinatitaidha su, mue shanapa ataidha huecuana. Da su José ja Benjamín pajetita huecuana cuatsasiataidha. Tata Israel sa tsada mahue puidha biame, d'iji tiataidha. Neicha Egipto yahua su putitaidha huecuana. Ai dia taji cuana jatejети putsu, esiapatiyu piba eputasa su, José ja chujeneda emeji rubuametaidha edue Benjamín sa quipi su. Tuna eputahu cama, José ja mesa emebajaji cuana beitutana tuna etejetiye puji. Tejetyu putsu, chujeneda emeji tejetaidha huecuana Benjamín sa quipi su. Da su neicha José peje su siapametaibana huecuana. José peje su cuinatitaidha su, José ja, "Ema da micuana sa edue, José", ataidha huecuana. Da su beidaji putaidha huecuana pamapa. José ja ihuataidha huecuana familia quitana Egipto yahua su paanitita puji.

1. ¿Quejucua mara puji mid'e puidha? _____
2. ¿Ai eje José sa edue cuana Egipto yahua su putitaidha?

3. ¿Ai banime puina José sa tije puji edue? _____
4. ¿A da José mesa edue cuana ja shanapataidha? _____
5. ¿Quepia Tata Israel mesa familia cuana neje putidha
yaniti puji? _____

Jabuetsuatike saida quita Tata Israel sa 12 ebacua
cuana sa ebani.





AGRADECEMOS

a

David C. Cook Foundation
Elgin, Illinois, E.U.A.

quien nos ha provisto con
los dibujos.

y a

La Liga Bíblica del Hogar de Canadá
por su contribución
para la publicación de este libro.